

第一百零七冊

卷二百二

列傳十四

卷二百三

名賢傳一

新纂雲南通志

盧

漢

題

簽



新纂雲南通志卷二百二目錄

列傳十四

清

甘雨

子孟賢仲賢
叔賢季賢

張澐卿

戈靖張道淵

何秀林楊國發

張保和吳永安

張有能附

段邦俊

孟光鐸

湯曜

張舜琴

陳榮昌

新纂雲南通志卷二百二

列傳十四

清

甘雨傳

子孟賢 仲賢 叔賢 季賢

甘雨字潤之姚州人歲貢官廣西州訓導甘氏以孝友傳家雨父榮祿叔榮昌均以明經旌孝友至雨尤有至性幼侍父疾夜輒十數起及長父老且痿則授徒以爲養教諸生文皆不離榻下痛癢抑搔飲食烹飪幫牖浣濯皆自爲不假他人手時或負之遊故父雖痿竟自忘其苦居父憂一遵朱子家禮又嘗入鄉闈感夢出而急馳六晝夜抵家而母果病自是遂不復試寇至負母逃拮据以生未嘗缺甘旨在患難中遭母喪稱貸以治具曰雖貧何可儉於親終其身遇忌日輒泣掃墓而返數日不笑樂壯歲遭匪亂遜匿深山中其弟子韓瓊

爲築室居之匪首某者素文士知兩名蹤跡之欲強以僞職兩與坐松下談司空表聖故事某知其不可屈乃曰先生高潔終臥山林矣遂去越二年復有相强者且脅以威兩以死拒終不爲所奪兩爲學一本宋明諸子而上推之孔孟內則篤於至性外則卓然有大節門徒甚盛聞兩卒皆來會葬私諡曰誠正先生子四孟賢仲賢叔賢季

賢

劉安科撰家傳
王衍謙撰墓誌銘

孟賢字應塤一字伯堦兩長子也兩四子皆能世其學而孟賢實輔導之甫七歲從父避亂廉河讀書廉泉寺生有至性雖總角如成人弟有過父怒撻之則涕泣跪請引爲己咎願同受扑責旣冠以正學相切劘時人比之二程子同治癸酉舉於鄉丙子弟仲賢亦及第時父老母歿三四弟幼孟賢旣絕意科名以課兩弟爲己責光緒壬午

弟季賢領鄉薦乙酉弟叔賢由選拔舉賢書當癸未赴春官試歸四方從學者踵至孟賢率諸弟教授以課心名書屋作課心兩箴言自課課人之道平居事親惟謹既舉於鄉隨父之廣西訓導任鵠立侍側客或誤以爲僕從云甲午父遭疾與諸弟更番侍凡五百餘晝夜不稍懈嫡母趙失明病狂夜數起事之五十餘年扶掖調護俾無所苦居父憂哀毀骨立既葬經旬必省墓往來六十餘里必步行遇高曾以下忌日必祭一遵朱文公家禮當甲午歲三弟叔賢以父病禱於天願以身代果遂先卒越丙午四弟季賢以咳血卒戊申二弟仲賢亦以咳血卒諸孤煢煢環侍左右飲食教誨胥惟孟賢是賴自年二十以後卽任家事一帛一粟不敢私自奉極約一布衣數年不易雖老不異糲不兼味至待賓客未嘗不豐不與地方詞訟而於公私

利害則趨赴不後人如修河大役也爲之規畫手訂章程官紳賴以
歲事歲饑議賑急務也清查戶口給執據以免浮冒遺漏利乃溥宣
統間選授保山縣教諭辭不就職創辦姚安女學躬任教育不收學
費人或謂之曰今時何時尙守清操不思變計將欲爲夷齊餓死耶
笑曰吾正恐不能爲夷齊耳民國三年甲寅卒年六十有二自輓云
不忤不求生平差幸無行檢亦農亦士論定何須到蓋棺旣又書死
而後已四字及斂畢門人皆來哭私諡曰文貞子德柄癸巳副榜庚
子辛丑併科舉人德輝宣統己酉選拔七品小京官

採訪

仲賢字應篋別號應癡雨次子也小於孟賢三歲當避亂廉河時鄰
有塾師課童蒙每端坐以聽聽即成誦父喜授以四子書嗣以兄讀
毛詩尙書周易燈火不燃繼松明照讀冬月乏薪入山樵採又時代

母汲水河干困難中未嘗一日廢學庚午亂平出應童試以第一人入學旋補廩丙子舉於鄉尋丁母憂既葬理舊業學益劬嘆曰浮名易得實學難求手鈔口誦不稍怠壬午四弟季賢舉賢書乃偕伯兄幼弟同赴春官試不第以親老絕意仕進來學者踵相接甲申主鎮南龍川書院三載歸主姚安德豐書院鳳岫書院成材日衆益究心漢儒考據之學旁及內經皇極太乙皆徧觀而窮其微嗣丁父艱家人復多死喪乃一心讀易舉數十年博涉一反諸約而理解日精功修彌粹科舉未廢時即自購中西算學書觀覽而得其要領因之施教於是後生小子乃有通算學者戊申任兩級師範學堂經學教員講周易六十四大象曰觀象反求錄旁徵曲引一以體驗身心爲歸是歲卒年五十有五學者私謚曰文純仲賢有才氣幼稟庭訓繩趨

矩步故德行純備少學樂得暇即弄絲竹於庭父卒遂以箏笛遣人
曰昔吾爲此爲悅親也親不在吾何忍復爲此乎其處骨肉靡不曲
盡其誠細行必矜有爲常人所不能者晚年講學思融新舊爲一凡
天文輿地算數醫術書法繪畫音樂乃至奇門壬遁皆窺其底蘊而
不屑以專門名家所著有知困齋文集詩集國粹錄最後成觀象反
求錄及義實證錄子德蔭德明德恆德亨恆官九龍縣長

採訪

叔賢字豹卿一字少卿兩三子也天性孝友年十八入州學光緒乙
酉登選拔遂舉於鄉以親老不赴禮或聞試勸進取叔賢曰先聖有
遠遊之戒吾不忍以不可必之浮名易當前之問視也家居教授以
貲金供甘旨凡父母便身之物必力致之貲不給則稱貸溫清定省
抑搔扶持及炊爨廁踰諸瑣事必躬親之不以爲勞退與兄弟處閭

閭切劓其教人以敦本力行爲務每爲學者講忠孝大節激昂慨慷或至泣下從遊者多所激發讀二程遺書五子性理慨然有志於道晝有所爲夜書之以校功過讀書務實學以名勝爲恥自號務實子作務實齋記以見志又輯道學源流二卷光緒二十年正月父病垂危叔賢稽顙籲天請以身代父疾尋愈間一月叔賢病歿

訪採

季賢字幼卿一字隨安兩四子也性沈默寡言孝友一如其父兄乃舍業以待遭母喪盡哀如禮而侍父則戚容盡斂定省問視一如平日長嫂卒遺子女皆穉季賢撫愛周至年雖少端重有成人氣象服闋偕三兄應試以第一人入學明年仍以第一人補廩壬午舉於鄉年甫十七歲也赴禮部試歸即以親老絕意進取應州南者樂村聘課徒於大羅山寺旬日必歸覲父母經宿而去寺踞筆架山半課暇

輒攜徒登峯眺覽高吟長嘯冬月夜讀窗紙忽明疑天曙開戶視之則雪盈尺矣繼主棟川書院鄰邑學子至者歲恆二三百人與諸兄分班教授其道遠者則或以書問學文稿積案盈尺目無旁注手不停揮頃刻而畢其爲教必端本於孝弟之道趨重躬行癸巳冬疽發背家居讀陽明書頓悟致良知之旨謂其伯兄曰陽明之學直揭本體不假外求真千古學脈也遂以體認天理名其齋侍父病二載能用心於兩兄所不經意之處因侍嫡母病究心醫藥故亦精醫術患諸婦驕惰創興織紡推之全邑遂以衣被窮閭曾捐所應得創立養節堂及高等小學云光緒三十一年丙午卒年四十二有著作存於

家

採訪

贊曰甘氏力學篤行累葉載德型於家而化於鄉滇人無遠近皆稱

之藏器不曜土苴富貴樂天安命有足多者即著述之有無多寡亦不足爲低昂也史稱東漢王良爲司徒妻子不入官舍司徒史鮑恢往候其家良妻布裙曳紫從田中歸恢自欲見夫人妻曰妾是也恢乃下拜歎息而還孟賢已登第侍其父兩官署客不知即其子竟與此事類雨之德教深矣

張澐卿傳

張澐卿字霽亭太和人咸豐壬子進士官禮部主事遷員外郎擢御史轉鴻臚寺少卿順天府府丞升府尹宗人府府丞改任右副都御史遷工部左侍郎轉禮部右侍郎同治光緒間先後典試督學兩浙得人稱盛澐卿對於桑梓最爲關懷當咸同之際滇亂孔亟澐卿奏言竊惟用兵之道貴因利以乘便滇省自咸豐六年漢回尋釁遂構

兵凶延及迤西郡縣相繼淪失省城亦屢瀕于危疆吏武臣籌防無
虛日鄰省又軍書旁午自顧不遑匪徒乘隙以煽亂全省勢如幾至
不可收拾及上年省城回衆輸誠仰蒙聖恩寬其既往予以自新其
中陽奉陰違者固所不免兼以叛衆新降猜疑互見是以有本年正
月之變致督臣潘鐸等被戕嗣經總兵馬如龍帶隊進省力掃狂氛
浹月之間依然安堵臣近有親友來京詳加詢訪謂馬如龍於回衆
之中實屬稍知大義現以省城附近肅清而西回杜文秀怙惡不悛
該總兵有大舉以規復迤西之議說者謂未經請旨輒議徵兵跡同
專擅然就其敢於任事未必非自效愚衷惟是徐之銘旣經革職勞
崇光賈洪詔尙未入境馬如龍一介武夫究係回籍如滇中軍事竟
無大吏爲之主持人心不無惶惑且迤西道路崎嶇馬如龍孤軍進

勦倘奸人仍復謀襲省城則爲患更大並恐西回遣人構煽致令該
總兵事久變生亦不可不防其漸臣愚以爲此時川省境內已清雖
漢南防勦尙煩兵力較之全省用兵已屬有間而滇省現在情形實
可轉危爲安之時可否請旨飭下駱秉章迅派幹員率一旅精銳之
師交勞崇光親督由東昭相機赴省若馬如龍果係激於義憤進取
迤西勞崇光督兵駐省防範易周該西回無隙可伺不致復有他虞
且於馬如龍一軍既可遙爲控制復能顯壯聲援庶事權一而人心
乃定因利乘便莫切於此倘再事遷延馬如龍或以獨力難支或以
喜功僨事邊氓餘燼又將糜爛不堪至所需軍餉及該總兵進取機
宜應如何隨時策應預爲籌備應一併請旨飭下勞崇光駱秉章會
商妥辦臣爲本籍軍務起見不揣冒昧謹繕摺具陳等語剴切周詳

愛鄉之情溢於言表可以知其爲人矣

參光緒志
大理縣志

贊曰論者謂愛鄉心範圍小不如愛國心之擴大豈知愛國愛鄉原非兩事如滇省咸同之亂若不亟謀戡定則滇省不安而全國亦爲之不安故澧卿奏陳滇省情形請分兵進援以慰輿情而一事權一摺謂之爲愛鄉心也可即謂之爲愛國心也亦無不可愛國愛鄉其理一也

戈靖張道淵傳

戈靖原名尙志字最山保山人性耿介有膽略舉道光癸卯鄉試第一文名噪甚咸豐丙辰成進士授禮部主事累官至監察御史轉吏科給事中遇事敢言無所隱避其論外洋通商各疏切中時弊辛酉永昌郡城失陷凡殉難紳民悉心採訪陳請旌卹並採訪各貞孝節

烈婦以彰風化滇處邊隅凡進京赴試者惟舉人蒙給馳驛優拔貢生則自備夫馬靖請均準馳驛進京允之清室宗支日繁生計維艱疏請變通仕路調劑並請整頓各直省釐金積弊變通准鹽章程均下部議行後以被議歸時論惜之

光緒志

張道淵字秋生太和人同治癸亥進士官翰林院檢討戊辰會試同考官癸酉典試江西授山東道監察御史次第遷擢兵科吏科掌印給事中舊例殿廷考試禁令森嚴日久因緣爲奸貴胄子弟得以攜卷至軍機處或科房繼之以燭捉刀倩代倖掇巍科道淵抗疏言之使積年宿弊一旦蠲除權貴斂跡寒賤得以顯其長技焉又有請節靡費及據供先結以清庶獄兩疏亦皆切中時弊生平遇事敢言惟身歿而遺稿散佚論者惜之

參光緒志
太和縣志

贊曰滇號山國故所出人才類多耿介樸忠廁身諫垣直聲震於天下如明之毛玉包見捷王元翰清之錢澧谷際歧尹壯圖其最著者也及至滿清季年而戈靖張道淵二人亦以敢言見稱於時詩曰彼其之子邦之司直其此之謂乎

何秀林楊國發傳

何秀林字雲樓宜良人少從岑毓英軍攻羅川襲定遠略曲靖每戰必克累功至守備討豬供等寇悉銳出圍攻姜飛龍前營毓英往援令秀林策應於是夾擊大破虜復進擣中堅禽其酋陶新春合師勦克海馬姑遷游擊同治七年西寇圍省城從毓英自宜良七甸破大小石隴蔴苴新村進取大樹營譚道通移師呈貢敗晉寧昆陽敵援拔其城遷副將賜號效忠巴圖魯攻澂江迭克要隘直薄城下城寇

遁毓英攻西北二門秀林助之張元林敗入城官軍梯而登馬忠入西門秀林入東門元林懼仰藥死澂江平與李廷標協守楊林八年寇犯邑市舊縣防軍告急秀林赴之連破馬家冲前街邑市會廷標亦往援馬龍兩軍以無主將失和寇蹈瑕入楊林秀林聞警馳還厲衆堅守而都司楊桐等先潰秀林遂陷重圍李維述援兵弗能至秀林力盡潰圍出被巨創退保宜良北屯楊林陷坐免秀林營員何裔韓傷重幾死猶攜文卷以行與秀林收集潰兵赴省助戰大板橋之役與有力焉其秋攻易門與署知縣周廷獻克西門大小龍口及黃泥堆斷樵汲分兵佯攻西北誘寇出而遣將潛襲西南秀林督軍衝入寇惶恐僞乞撫秀林弗許卒大破之復故官寇陷祿豐秀林約練目丁同義反正同義倒戈以應秀林分軍奪門入禽渠率城遂復晉